

جَزَائِر حَاكِمَة

❖ صال ❖

نومرو	جاءى الآخرة	سنه	مايس	سنه	صيفه
۱۴۹	۲۸	۱۲۹۹	۴	۱۲۹۸	۱۱۸۵

❖ اشبو غزته بهر هفته صالى كونلى چيقار . سنه لى مجيدى اچقه التمش غروشددر بهر نسخه سى التمش ❖
❖ پاره مجيدى به اوله ق هر برده صاتيلور . درج اولنه جق اعلاناتك بهر سطرندن ايكي غروش النور . ❖
❖ سنه لکنه مشترى اولق استيانلر عدليه نظارت جليله سى اوراق مدير لکنه مراجعت ايتلدر ❖

تحت حايه سنیه حضرت پادشاهیده بولنان حقوق
مکتبی طلبه سندن عزتلو الیاس مطر افندی به رتبه
ثانیه صنف ثانیهسی توجیه بیوراشدر

(عدلیه نظارت جلیلہ سندن فی ۲۰ جاذی)
(الاخره سنه ۹۹ وفی ۲۶ نیسان سنه ۹۸)
(تاریخیه ولایات محاکم استینافیه سى مدعى)
(عمومیلکرینه تسطیر اولنان تحریرات عمومیه نك)
(صورتیدر)

قدس روم مناستری رهبا بینندن کساریوس
وبارطنیوس متروکاتی حقنده قدس روم بطریق لکنک
ایکی قطعه تقریری ایلہ ملفوفاتی وبو خصوصندن
طولایی بطریقخانه وکیللہ ورثه بیننده متحدث
دعوی اوزرینه برقرار قطعی اتخاذی لزومنه دائر
روم ایلی قاضی عسکر لکنک تذکره فتواینا هی ایلہ
کوندریلان مذکره سى وسلانیکده وفات ایدن راهب

اورامیوسک اموال واملاک متروکه سنه مقدار
بطریق لکنک دیگر تقریریلہ دیوان همایون قلندن
ویریلان مذکره ورثه وکیللرینک عرضحالری اوزرینه
جریان ایدن مذاکراتی متضمن شورای دولت داخلیه
دائرہ سندن تنظیم واعطا اولنان مضبطه صورتی
مطالعہ سندن مستبان اولدیغی اوزره کساریوس
وبارطنیوسک وارثلری طرفندن مومی الیهمانک اموال
متروکه لرینک کسندولرینه عائد اولدیغنه دائر اقامه
اولنان دعوی فی ۷ جاذی الاخره سنه ۸۷ تاریخنده
دیوان همایون قلندن ویریلان بر مقتضی ورقه سنه
وقوعبولان یا کس لشدن ایلرو کلسنه و نتیجه تدقیقاته
نظراً قدس روم مناسترنده بولنان رهبا بینک منروی
طاقندن اولدقلری وبرموجب شروط قدیمه وفاتلری
وقوعنده هر نه به مالک ایسه لر مناستره عائد اولدیغی
حقنده بطریق لکنک جانبندن درمیان اولنان ادا ناک
صحتی رهین رتبه ثبوت اولمسیله دستورک جلد
نالشده مندرج بیورلدینک مفسوخیت حکمیه قیوداتک

شروط قدیمه کوره تحقیقی ایله بعد ازین بویه
یا کاشلق وقوعه کتورلماسنه اعتنا اولمسنک دیوان
همایون قلمه تبلیغی ایله مومی الیهما کساریوس
و باطنیوس ورثه سی ادعارینک تدقیق و تمیزی
مرافعهیه منوط بولندیغنه بناء عائد اولدیغی محکمه به
حواله سی و اورامیوس حقنده کی دعوی ایچون
کذلک عائد اولدیغی محکمهیه مراجعت اولمسی
لازم کله جکی بیان عالیسیله اقتضاسنک اجرایی
باش وکالت جلیله جانب سامیسندن شرفوارد اولان
تذکره سامیهده امر و اشعار بیورلمش و موجنبه
صورت حالک تعمیماً اشعاری امور حقوقیه مدیریتندن
افاده واشبو تحریراتک نسخ مطبوعه سندن اون بش
قطعه لفاً فرستاده قلمغین برمنوال محرر ایفای
مقتضاسی

(عدلیه نظارت جلیله سندن فی ۲۰ جاذی)
(الاخره سنه ۹۹ وفی ۲۶ نیسان سنه ۹۸)
(تاریخنده تعمیماً ولایات محاکم استینافیه سی مدعی)
(عمو میلکرینه تسطیر اولنان تحریرات عومیه نک)
(صورتیدر)

محال ممنوعهده بولنان مسکرات مغازه لرندن بعضیلرینک
دوائر بلدیهدن قونطورا تویه ربط اولمسندن و بونلرک
نظاماً قبادسی یولنه کیداسی و قتیله دولت نامه
ویرلش اولان سند رسمی حکمنه منافی بولمسندن
طولایی بوشللو قونطورا تویه ربط اولنوبده
مؤخرأ قیادتیرلمش و برطاقم ادعایه سببیت ویرلمش
اولان مغازه لرک تمام قونطورا تورینه قدر مستأجرلرک
ضرر و زیان دعواسنه میدار ویرلماک اوزره مسدود
قالدیغی مدتک قونطورا تورینه ضم ایدلسی و بو
مقوله مغازه لرک موقع و نومرولری و قونطورا تو
مدتلی کوستریلرک بردفترینک ارسالی حقنده باش

وکالت جلیله جانب عالیسندن شرفوارد اولان
تذکره سامیه اوزرینه کیفیت عموم دوائر بلدییه
مدیر لکرینه بیلدیرلمش ایسهده قونطورا تو
معاملاتک مقاولات محررلرینک جله وظائفندن
اولدیغنه و مأمورینک مأمورین عدلیهدن معدود
بولندیغنه بناء بعدما قونطورا تویه ربط اولنوجی
بو مقوله مسکرات مغازه لرینک مسکرات نظامنامه سی
حکمیجه مخدور و مضرتلری دفع اولمدفچه و بوباده
منسوب اولدقلری دائره لریله بالخایره اورالردن
برایلیشکی و مخدور و مضرتلری اولدیغی کوسترلرکجه
قونطورا توزینک تصدیق ایدلماسی شهر امانت
جلیله سندن مبعوث تذکرهده اشعار اولمش و موجنبه
اقتضاسنک اجرایی خصوصنک تعمیماً اشعاری امور
حقوقیه مدیریتندن افاده و ایجابی اجرا اولنه رق
ملحقانه کوندرلک اوزره اشبو تحریراتک نسخ مطبوعه
سندن اون بش قطعه لفاً فرستاده قلمش اولغله
اولوجهله ایفای مقتضاسی سیاقنده شقه

(عدلیه نظارت جلیله سندن فی ۲۰ جاذی الاخره)
(سنه ۹۹ وفی ۲۶ نیسان سنه ۹۸ تاریخنده)
(تعمیماً ولایات محاکم استینافیه سی مدعی عمو میلکرینه)
(تسطیر اولنان تحریرات علیه نک صورتیدر)

املاک و عقاربیع و شراسنده مقاولات محررلرینک
تنظیم ایتکده اولدقلری وکالتنامه لر تأمین معاملهیه
کافی اولماسنه بناء بعد ازین وکالت جتی اعطاسنک
محاکم شرعییه حصریه بهرندن مقطوعاً قرقرغوش
استیفا سی و محاکم شرعییه نظامنامه سنک بوکا دار
اولان اوتوز سکرنجی ماده سنک تعدیلی خصوصه
شورای دولت و انجمن مخصوص مشورت قراریه

حقیقه سلب ایده چک درجهده بولنوب بولمادیغی بیان
و شخص مذکوری برطیب کوزمدیکی حالده معاینهده
برابر بولمش کبی درجه معلولیتی حکم ایده بیلک
ایچون فناً اقتضا ایدن تصریحات سائردهخی درمیان
اولنه جقدر
ثاناً بروجه محرر طیبیلر طرفندن ویریه چک
شهادتنامه موافق نفس الامر اولدیغی حالده قرار
نامه نک سالف البیان اوتوزنجی ماده سی موجنبه
مجالس مذکوره طرفندن بامضبطه تصدیق
قلمه جقدر

رابعاً اشبو تعریفنامهیه موافق اولیهرق
کوندریه چک شهادتنامه قبول اولمیبو اعاده
اولنه جقدر

معلولیتندن طولایی اجرای تقاعدی استدعا سندن
بولنانلرک محلری مملکت اطباسی طرفندن معاینه لرینک
صور اجرائیه سیله تنظیم اولنوجی راپور ظر حقنده
تقاعد نظارت جلیله سندن بالتنظیم با تذکره تسیر
و صورتی بالایه تحریر اولنان تعریفنامه احکامنه
توفیق معامله ایدلک اوزره اشبو تحریراتک نسخ
مطبوعه کافیه سی علی الاصول لفاً کوندرلمش اولغله
ایجاب ایدلره بویولده ایفای تبلیغات اولمسی
توصیه سیله شقه مخصوصه ترقیم قلمدی

(عدلیه نظارت جلیله سندن فی ۷ جاذی الاخره)
(سنه ۹۹ وفی ۱۲ نیسان سنه ۹۸ تاریخنده)
(ولایات مدعی عمو میلکرینه والویه مستقله)
(معاونلرینه تعمیماً یزیلان تحریرات علیه صورتیدر)

اجرای تقاعدی استدعا سنده بولنان مأمورین ایله
معاش تخصیصی استیذان ایتام و اراملک منسوب
اولدقلری دوائر و ولایتدن کوندریلان مدت خدمت

بالاستیذان اراده سنیه حضرت پادشاهی شرف
معلق بیورلدیغی یار عالیسیله ایجابنک اجرایی باش
وکالت جلیله جانب سامیسندن شرفوارد اولان تذکره
سامیهده امر و اشعار بیورلمش و موجنبه صورت
حالک مقاولات محررلرینک تبلیغی خصوصنک
طرفکره ازباری امور حقوقیه مدیریتندن افاده واشبو
تحریرات ایله ماده مذکورلک نسخ مطبوعه سندن
اون بشرقطعه لفاً فرستاده قلمش اولغله اولوجهله
ایفای مقتضاسی سیاقنده شقه

(عدلیه نظارت جلیله سندن فی ۲۳ جاذی الاولى)
(سنه ۹۹ وفی ۳۱ مارت سنه ۹۸ تاریخیه)
(ولایات محاکم استینافیه سی مدعی عومیلرینه)
(تسطیر اولنان عموم صورتیدر)

معلولیتندن طولایی تقاعدی استدعا ایدنلرک ولایاتده
اطبا طرفندن صورت معاینه لر حقنده تعریفنامه در

اولا معلولیتی ادعا ایله تقاعدی طلب ایدنلر
محلری مجالس اداره سی معرفتیه وکالت تدقیق ایله
دیپلومالی اولوب دیپلوماسی مکتب طبیه شاهانهیه
تصدیق ایتدیرمش اولان مملکت طیبیلرینه معاینه
ایتدیریه جقدر

ثانیاً معلولی معاینه ایدن طیبیلرک ویره جکی شهادت
نامهده معاینه اولنان شخصک سنی ایله بنیه سنک
احوال عومیه سی و تشخیص ایتدکلری علتک اسمی
و علاماتی و بوکا زمان و نوجهله کرفتار اولوب
تداوی ایله افاقه بولسی ممکن اولوب اولدیغی و ملکیه
قرارنامه سنک اوتوزنجی ماده سنده کوسترلرکی
وجهله فیما بعد مأموریتنه دوام ایده بیلک اقتدارینی

(عدليه نظارت جليله سندن في ۱۹ جاذي)
(الاخره سنه ۹۹ وفي ۲۴ مارت سنه ۹۸)
(تاريخيله ولايات محاكم استينافيدسي مدعي)
(عموميلر يته تسطير اولنان عموم صورتيدر)

طشره نيابلرندن وير يلوب لاجل التدقيق فتواخانه
حواله اولنق اوزره عدليه نظارت حواله مدير يته
كتورلده اولان اعلانات و حجج شرعيه دن اكر يسي
نسبت نظاميه سندن دون ورقه يه تحرير و تقيق و و كالتى
متضمن حجت شرعيه ظهر لري دخی محلي بدايت محكمه سى
هيئتى طرفندن تصديق ايدلده و بوسيله الله جق
جزای نقدى تضاعف ايتكده بولمسنه و نظامنامه
مخصوص موجب نقضانى بول ايله اكل ايتديرلكله
برابر بومثل و اوراق تنظيم و معامله سنى اجرا ايدنلردن
النمى لازم ككلان جزای نقدى اول امرده حامل
و مبرزى طرفندن بالنحصيل حواله سى اجرا اولنقده
اولوب حالبو كه بر مأمورك بوكى وقوعه ككلان سهو
و خطاستندن اصحاب مصالح مسؤل و جزای نقدى
اعطاسيله مكلف و مجبور طوتلى موافق عدل
و حقايت كور يله مديكنه بناء بعدما نظامنامه مذكوره
لايقيه توفيق معامله اولنق اوزره بالعموم نواب
افنديلره اجراى تبليغات اولنمى خصوصنك مقام
عالى حضرت مشيخ پناهي يه و بوقوله نسبتندن دون
ورقه يه محرر اعلانات و حجج شرعيه اصحابى طرفندن
لاجل التصديق محلي بدايت محكمه سنه كتورلده
نظامنامه مذكور احكامنه توفيقاً اجراى معامله ايله
مغاير قانون اوله رق نقصانى اوزر يته تصديقدن توفى
و مجانب ايدلمى ضمنده بالعموم محاكم ابتدائيه

جدوللر ينك بعضيلر نده بولندقلى مأمور يته تعيين
و انفصال تاريخلر يچون قلالن سنه نك اوائل
و اواسط و اواخرى و يا خود على الاطلاق قلالن سنه
تعبير ايديلوب ايامى كوستر لما كده و بونك تحقيق ضمنده
دوائر ولايات متعلقه سيله مخابره اجراسى تكثير مخابرات
ايله اضاعه اوقاى و بوده احكامنك مدت مديده
انتظار ده قاله رق سز لملر ينى استلزام ايتكده اولديفندن
بعدما بوكى مدت خدمت جدوللر نده اوراق تحقيقه
سائر ده صراحت اولز ايسه تواعد معاشي تخصيصنه
مأخذ اوله جق صكره سى اون سنه نك شهر ايامى
بهمه حال كوستر يله رك بو اون سنه دن كيرويه طوغرو
كوستر يلان تاريخلر يچون اوائل تغيير ينك قنغى
سنه نك اوائل ايسه اوسنه نك ايلك درت آينك اواخر
تغيير ينك كذالك اوسنه نك صوك درت آينك و اوسط
ايله على الاطلاق سنه تغيير ينك دخی اوسنه نك وسطنك
و شهورى كوستر يلوب ايامى كوستر ليمان اوراقده دخی
قنغى آيك اوائل ايسه او آيك ايلك اون كونك
و اواخرى ايسه صوك اون كونك و وسطى و يا خود
مطلق اوله رق قلالن آى تغييرى اولمديغى حالده اون
بشنك اعتبار يله بوقوله اوراقك يور يلمسنك
و معاش تخصيص ايديله جك ايتام و ذكورك سنلرى
ايچون دخی بوقاعده يه توفيق معامله ايدلمسنك اصول
اتخاذى لازم كله جكى تقاعد نظارت جليله سندن
وقوع بولان اشعار و محاسبه دن اولنان دركنار
اوزر يته كيفيت لازم كلنلره تعمياً اشعار اولديغى
ككى اشبو تحريرات عموميه نك لزومى مقدار نسخ
مطبوعه سى افما تسيار قلمش اولغله بعدما اوراق
تحقيقه و مدت خدمت جدوللر ينك نقصان توارىخ
ايله كوندر ليوب كملاً تنظيمه اعتنا و همت اولنمى
لزومى اخطاراً اشبو شقه ترقينه ابتدار قلندى

رؤسانه اشعار كيفيت اولنمى مدير يت مومى اليهان
افاده قلمش و ايجابى بالاجرا اشبو تحريراتك نسخ
مطبوعه كافيه سى على الاصول لفا صوب شر يفرينه
كوندر لملش اولغله داخل دائره مأمور يتلرى اولان
محاكم ابتدائيه رؤسانه تبليغ مصلحته همت اولنمى
توصيه سيله شقه مخصوصه ترقيم قلندى

(سيواس محكمه استينافيدسي مدعي عمومى سى)
(سابق عزتو شوقى افندى طرفندن مقدما)
(ملحقته كوندر يلان مخطره نك صورتيدر)

هيئت اتهاميه وضع اولنق اوزره ملحقان كوندرلده
اولان اوراق تحقيقه نك اكر يسنك بك چوق
نواقصى كور يلوب اكالى امر نده برطاقم مخابرات
زائده ايله اشتغال اولنهرق هم تكثير سوادى و همده
تاخير مصالحى موجب اولغله اولديفندن هر نوع
جرائمك تحقيق وظيفه سيله مكلف اولان محاكم
وضابطه عدليه مأمورلر يته مخصوص مادمه بماده قلمه
النان مخطره در

اولا هر نوع افعال جزائيه نك تحقيقاته ابتدار
اولنه جغى وقت طوتلى لازم ككلان استنطاقنامه نك
برنجى صحيفه سنه بر و ايكنجى صحيفه سنه ايكنجى
و اوچنجى صحيفه سنه اوچ و الحاصل صره سيله
نهایت قدر هر بر صحيفه سنه نومرو وضعندن صكره
هر شخصك استنطاق بالاسنه وضعى لازم ككلان تاريخلرك
دخی اراده مخصوصه سى موجب هم عربى و همده
رومى تاريخ قونلى يعنى بالاي استنطاقنامه يه اول
امر ده (قلالن محله قتل و يا جرح ايدلمش و يا ملاكى
غصب اولنمش اولان قلالن آدمك) فعل قتل و جرح

و يا غصبك ظاهره اخراجى حقتنه تحقيقات لازمه ينى
متضمن طوتيلان استنطاقنامه در ديه رك يازلاقدن
ونهايتمده في ۱۹ رجب سنه ۱۲۹۲ وفي ۵
حزيران سنه ۹۷ ديه حفته تاريخ قونلده نصكره
مدعى و يامظنون عليهك استجوابنه مباشرت ايدلمى
و او فعلده مشترك اولدقلى مظنون اولان هر بر
شخصك استنطاق و استجوابى كونى بيلنك ايچون
هر برسك استجوابلر ينك خاتمه سنده كذالك حفته
تاريخ قونلى لازمدر

ثانياً تحت استنطاقه الله جق هر بر مظنون عليه
موقوفيدر موقوف ايسه قنغى تاريخده توقيف
ايدلمشدر و حقتنه و يرلمش اولان توقيف مذكره سى
موقت يوقسه غير موقوفيدر كوستر لملسى ايجاب
ايدر

ثالثاً مظنون عليهك بشكل و شمائل ندر يعنى
قاج ياشنده در صقاللى و يا خود بيقل و يا شاب
امر دميدر بوى نه راده در و بشقه كونه علامت
فارقه سى و ارميدر و لهجه و كوز ينك لونى و صنعتى ندر
و محل اقامتى و ولادى نره سيدر موصفاً كوستر لمليدر
و برده مظنون عليه فرارده ايسه اشكال و اوصافى
لايقيه بيلنديكه غيباً اتهام اولنه ميه جفندن فرار يلر
ايچون دخی بهمه حال تحقيقات لازمه نك اجراسيله
استنطاق و قرار نامه لره اشكال و اوصافنك درجى
لايددر

رابعاً مظنون عليه جلب مذكره سيله مى كلى و يا خود
احضار مذكره سى اوزر يته قوه مسلحه ايله مى در دست
اولنمشدر و قوه مسلحه ايله طوتلمش ايسه قنغى محمله
نه هيئت و قيافته بولنمشدر و مأمورلر محالفت ايتشميدر
و در دست اولنديغى زمان مسلحى ايدى و تشهير
سلاح ايتشميدر و سابقه سى و ارايسه نه دن عبارتدر
بهمه حال يازلميدر

خامساً مظنون علیہک نزدندہ سلاح و نفوذ و اشیای سائر ظهور ایتشیدر و ایتش ایسه نه کی شیردر و کیلر نزدندہ محفوظدر برقطعه دفتری و حافظ و ذی الیدینک علم و خبری مطلقاً بط اولمیدر و آلات جارحه و جنائیہ نک بهمہ حال الدہ ایدلمسنہ غیرت اولنوب اثنای محاکمہ علنیہ دہ ابراز اولمق اوزرہ محاکمہ مأمور اولان جنایت محکمہ سنہ کونددر یلوب با علم و خبر تسلیم اولمق لازمدر

سادساً قتل و جرح و اسبابی مجهول و فیات و سائر بونلر کی کشف و معاینه سی لازم کلان جرائم و وقوعندہ طیب راپورطوسی وانی مؤید کشف مأمورلر ینک کشفنامہ سی و طیب بولنه میہ حق محل ایسه قضا و یا ناحیه نائینک کشف اعلام شرعیسیله برابر برده مأمورین و ضابطہ عدلیہ نک و محل کشفک جوآرندہ یولنان اختیار مجلسی و سائر معتبرانک میتی غسل ایدنلرک اولابادہ می مشهوداتی متضمن ضبط ورقہ سنک تنظیم و بونلرہ تمہیر ایتدیرلمسی لازمدر چونکہ بویکی احوالده اوراق مذکورہ تحقیقات و محاکمات ایله حکمہ اساس اوله جغندن و اساسنر هیچ بر حکم صحیح و جائز اوله میہ جغندن بو باده دخی فوق العادہ اعتنا و دقت اولمق مهم و مقتضیدر

سابعاً مظنون و متهم اولمق اوزرہ استنطاق اولنان اشخاصدن در عقب استنطاق خرجی ایفای قدرتی اولانلردن خرج استنطاق در حال تحصیل اولنوب استنطاقنامہ یہ درج اولملی و ممکن اوله میانلرہ دخی قاچ غروش ایسه ذمت قیدیله بعدالحکم قانون دائرہ سنندہ سعه حالندہ استحصاال اولمق اوزرہ بقایا کوسترلیدر

ثامناً استنطاق اولنہ حق و اخبار ماده ایلیہ جک ہر بر شخصک ضبط اولنہ حق افاداتی کندولر ینک

اوکنندہ او قونوب تصدیق ایدلدیکی حالده مستطق و کاتبی ایله مظنون و شاهدلر طرفلرندن امضا و تمہیر اولمق و مظنون و شاهدلر امضا ایتک استمز و یا ایدہ مز ایسه استجو ابنامہ دہ تصریح ایدلک و استجوا بنامہ لک ہر صحیفہ سی مستطق ایله کاتب طرفندن امضا و تمہیر قلمق حکم قانون ایجابندن اولغلہ بورالہ لایقیلہ دقت اولمیدر

تاسعاً اثر یا اوراق استنطاقیہ طاغیلوب ضایع اولقندہ ایدوکنندن بوندن بویله ہر راستنطاقنامہ نک جزوی کی محکمہ جہ دیگلمسی و اوراق متفرعہ سی دخی ضایع اولماق ایچون ائما استنطاقنامہ نک برنجی صحیفہ سنک ظہرندہ ہر بر ینک تاریخ و نومرو و قطعہ و جنسلر یلہ بشقہ بشقہ قیدی ایجاب ایدر

عاشراً بعض محللاردن اوراق استنطاقیہ نک اصلری محلجہ الیقونیلوب صورتلری کوندلرلکدہ ایسہ دہ بوصورتلر مخالف قانون اولدیغندن بالعکس صورت مصدقہ لری محللارنجہ قید و حفظ اولنوب اصلری بہمہ حال ہیئت اتہامیہ یہ کوندلرک و استنطاق نامہ لردہ حک و سسلندی و سطرلری اراسنندہ چقتی اولماق و شاید برشی علاوہ اولمق لازم کلورایسہ کیفیتی اصول محاکمات جزائیہ قانون موقتک یتش اوچنجی مادہ سی موجبہ مستطق و کاتب ایله شاهد و یا مظنون علیہ طرفندن تصدیق و امضا و یا تمہیر ایدلک مقتضیدر

احدا عشر بعض محللردہ شاهدلر مظنون علیہ ایله مواجهہ ایدلدیکی کورلکدہ اولوب بوایسہ قانون مز بورک التمش سکرنجی مادہ سنہ مخالف اولدیغندن بعدما مواجهہ دن صرف نظرلہ یا لکر شاهد ایله مدعی شخصی مظنون علیہی کورسم طانورم دیو سویلدکرندہ مظنون علیہی کندو جنسندن

ایجابی قدر ادا میاندہ ارانہ ایدرک واقع اوله حق تشخیصات استجوا بنامہ لردہ کوسترلہ لک زیری مظنون و شاهدو مشتکی و مستنطق و کاتب طرفلرندن امضا و تمہیر قلمق لازمدر

اعانات

تبعہ یونانیہ دن قوندورہ جی وانکلک برmq قپودہ کائن دکانندہ پوتین و قوندورہ سرقت والاچہ حمام جوآرندہ سافزلی میخالک دکانی سرقت قصدیلہ کشاد و بوصردہ دہ طومتق اوزرہ یا ندرینہ واران بکچی عبداللہ و کبابچی محمدی دخی جرح ایتلرندن طولای تحت توفیف و اتہامہ النان یانیلی نیقولی و یونانی دیمتری و رفیقہ ینک حال و صفتلر ینی ییلہ لک یتاقلق ایتدیکی ادما اولمسنن طولای مظنون علیہ اولوب تحت استنطاقہ التمشیکن اثنای تحقیقاتدہ فرار ایدن و ہیئت اتہامیہ طرفندن جنایتلہ اتہامنہ قرار و یریلان طاوق بازارندہ کائن خزینہ دار خانہ متصل دکاندہ تنباکو جلاک ایدن تبعہ ابرانیہ دن اوتوز بش یاشندہ خلیل بن محمد طانغی شمیدی یہ قدر اثبات وجود ایتماش اولدیغندن قانونہ اطاعتلہ محکمہ یہ کلک اوزرہ تاریخ اعلاندن اعتباراً جانب ریاستدن او کون مہل و یراش اولغلہ مدت مذکورہ طرفندہ محکمہ یہ کلدیکی تقدیردہ قانونہ اطاعت ایتماش نظر یلہ باقیلہ رق حقوق مدنیہ دن اسقاط و محاکمہ غیابیہ سی بالا جرا اموالی دخی جزایدیلہ جکی و بواثنادہ کندو سنک برکونہ اقامہ دعوائہ حق اولیہ جغنی و بولندیغنی محلی ییلنلر خبر و یرمکہ بالجملہ ضابطہ عدلیہ مأمورلر ینک کندوسنی طومتغہ مجبور اولدقلری

بیانیلہ اعلان کیفیہ ابتدار قلندی

فی ۱۹ جادی الآخرہ سنہ ۹۹

حسنی افندینک نصرت قومپانیاسنہ ایکنجی مجلس تجارت اعلامیلہ بقیہ دینی اولان مبالغک تسویہ سی ضمنندہ مدیون مومی الیہک اسکداردہ طو یغفار جزء محلہ سنندہ تکیہ قپوسی جادہ سنندہ و چنار قرہ غولخانہ سنک اوست طرفندہ کائن لالہ لی و ققندن یوز اون طقوز نومرو لی بر باب خانہ دہ متصرف اولدیغنی نصف حصہ سی بوندن مقدم موقع مزایدہ یہ قونیلہ رق لیرا یوز غروش حساییلہ بشیک غروشده طالبی عہدہ سنندہ تقرر ایتش و تاریخ اعلاندن اعتباراً اوتوز برکون یعنی شہر رجبک یکریمی اوچنجی جمعہ ایرتسی کونی ساعت اونہ قدر یوزدہ بش ضم قبول اولمسی و یوم مذکوردن صکرہ ارتق ہرنہ ضم و قوعبولورایسہ قبول اولمیدرق طالبی عہدہ سنہ یکورتدیرلمسی مقرر بولنش اولدیغندن تعیین قلنان مدت ظرفندہ مذکور نصف خانہ یہ بدل مزبورہ یوزدہ بش ضمیمہ طالب اولنلرک و دہا زیادہ معلومات المق استینارلک محکمہ تجارت اجرا دائرہ سنندہ مراجعت ایتلری اعلان اولنور

فی ۲۲ جادی الآخرہ سنہ ۹۹ و فی ۲۸ نیشان سنہ ۹۸

عساکر شاہانہ طیب قول اغارندن مصطفی کامل افندینک حسن افندی ایلہ غایشہ و نظیہ خانلردہ با اعلام شرعی الاجنی اولان مبالغ معلومہ نک

تسویه سی ضمیمه مرهون اولوب مدیون مومی الیهما
متصرف اولدق قری قدرغه لیانی قر بنده بستان
علی محله سنده واقع بر باب منزل عرصه سنک تاریخ
اعلان اعتباراً اون بش کون صکره فروخته تشبث
اولنه جغی اعلانات شرعیه اجرا دائره سندن
اعلان اولنور فی ۱ مایس سنه ۹۸

اولغله اعلان کیفیته ابتدار قلندی
فی ۲۱ جمادی الاخره سنه ۹۹ وفی ۲۷ نیسان سنه ۹۸

باندرمده مقیم حلواجی محمد اغا نك باندرمه محکمه
بدایتنك برقطعه اعلامی موجبجه ینه باندرمه
ساکنلرندن ضبطیه بابا اشرف اغا نك ارا دینی الی
سکر عدد لیرای عثمانینك تأمین استیفاسی ضمیمه
مدیون مرقومك تحت حجزده بولنان معلوم المقدار
باندرمده واقع یدی پارچه ترلاوباغ وقهوه عرصه
لرینك تاریخ اعلاندن اون بش کون صکره بالمزاید
فروخته قیام اولنه جفندن طالب اولنلرك باندرمه
محکمه بدایتنك اجرا دائره سنه مراجعت ایلری
اعلان اولنور

فی ۱۲ نیسان سنه ۹۸

خاصکوی جوارنده ملاکورانی محله سنده ساکنه
فاطمه وفاتحده نشانجه محله سنده ساکنه خدیجه
خانم لرك معامله جبر و شدت اجرا سبله اقچه
واشیارینی اخذ و غصب ایتملرندن و بقال یوان و مینانك
و طلبه دن حسین و علی افتدیلرك دکان و او طه لرندن
دخی آلت مخصوصه استعمالیه قپو اچه رق دیوار دله رك
فعل سرقته جرأت ایتملرندن طولایی مظنون علیه
اولان طاوق بازارنده ساکن دیار بکرلی یکر می یاشنده
طلبه دن کرد محمد و فرارده بولنان شیمیلی بکر حق لرنده
اجرا اولنان تحقیقات و تدقیقات و هیئت اتهامیه دن
ویریلان مضطه اتهامیه اوزرینه مرقومانان محمدك
وجاهاً و بکر ك دخی اصول محاکمات جزائییه قانون
موقتنك ارچ یوز یتمش برنجی ماده سی احکامنه
توفیقاً غیاباً محکمه جنایتده بالمحاکمه جزا قانون نامه
همایوننك ایک یوز یکر می برنجی ماده سی احکامنه
توفیقاً دردر سنه مدتلر ایله کور که قونملرینه محکمه
مذکوره جه حکم اولتمش و اصول محاکمه مذکورك
اوچ یوز یتمش یدنجی و اوچ یوز یتمش سکرنجی
و اوچ یوز سکسان برنجی ماده لرله مواد سائر سنك
احکامنه توفیقاً معامله اجرایی مرجع لرینه بیلدیرلش

قیو جی استپان اسرائیلیانك نیقوله پترویه $\frac{98}{17}$
نومرولی اعلام موجبجه دینی اولان مبالغت تسویه سی
ضمیمه مجوز اولوب فروختی مقرر اولان صار یار
یکی محله سنده برنجی باغلر یولی زقافنده درت نومرو
ایله مرقم متصرف اولوب افسان و غیر بل عهده لرینه
وفاء مفروغ بولنان خانه نك تاریخ اعلان اعتباراً
اون بش کون صکره بالمزاید فروخته تشبث
اولنه جغی بك اوغلی بدایت محکمه بی اجرا مأموریتی
جانبندن اعلان اولنور

فی ۲۴ نیسان سنه ۹۸

مطبعة عامر ده طبع اولندی